



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXIII. Christi de S. Joanne Baptista Elogium

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

Hinc etiam pastoribus Luc. 2. v. 12. Signum recens
nati Servatoris, five Messiae hoc datum est: *Et hoc vo-
bis signum: Invenietis infantem, pannis involutum, &
positum in Praesepe.* Hanc & tu Sapientiam addisce.

MEDITATIO CCLXIII.

Christi de S. Joanne Baptista Elogium

Luc. 7. v. 24. Matth. 11. v. 7.

PUNCTUM. I. *Et cum discessissent nuntij Joannis, capit
de Joanne dicere ad turbas.* Luc. v. 24. Dum Chri-
stus post discessum Discipulorum Joannis de laude
ejusdem differuit, duo hodiernis hominum moribus
prorsus contraria Exemplo suo nos docuit: nempe
vitandum esse vitium adulationis; propterea exspe-
ctavit discessum eorum, qui auditas laudes ad S.
Joannem fuissent relaturi: & simul vitandum esse
vitium detractationis, quo de absente minus honori-
ficè loqui solemus, vel saltem laudes ejusdem eleva-
re, ac imminuere, existimantes, nostræ æstimatio-
ni decedere, quidquid alterius laudi accedit. Christus
verò absentem Joannem summis laudibus coram
universo populo affecit, nihil metuens, ne is sibi ab
alijs præferretur.

PUNCT. II. Considera, quid Christus in S.
Joanne specialiter laudaverit, dicens: *Quid existis
in desertum videre? arundinem vento agitatam?* Hoc, ve-
lut responsione indignum, sola interrogatione fal-
sum testatur. An non autem tu talis? Arundo es,
Virtute vacua, vanâ gloriâ & inani tuâ existimatio-
ne tumens, quovis flatu verborum, quovis pro-
spero,

H 3

spero,

spero, vel sinistro eventu, quovis humano respectu flexilis in omnem partem? *Sed quid existis videre? hominem mollibus vestimentis indutum? Ecce qui in vestibus pretiosa sunt, & delicijs, in domibus Regum sunt.* Ergo ne talis sis in Domo Religiosa, qui vestium elegantiam, & corporis delicias secteris, & sic tantum Christo displiceas, quantum Joannes placuit. *quid existis videre? Prophetam? utique dico vobis, & plura quam Prophetam: Hic est, de quo scriptum est: Ecce ego mitto Angelum meum ante faciem tuam, qui preparabit viam tuam ante te. Dico enim vobis: Major inter natiuitatem mulierum Prophetarum. Joanne Baptista nemo est.* Luc. 1. 24. Ille Divina Inspiratione arcanissimum & summi- mum Mysterium Incarnationis Dei perfectissimum agnovit, & manifestissimè annunciavit, & tantum munus, velut Lucerna ardens & lucens, maxima cum Sanctitate, & Angelica corporis, ac animi Integritate sustinuit. Sic antiquorum Prophetarum Sapientiam Mysteriorum Christi Meditatione, & Sanctitatem ejusdem Christi ac Joannis Imitatione superari contende.

PUNCT. III. Considera prædictæ comparationis exceptionem: *Qui autem minor est in Regno Dei maior est illo.* Luc. v. 28. Qui enim in Regno Dei five in Ecclesia minor, & humilior est, sicut Christus fuit per summam Humilitatem ex altissimo Dignitatis gradu infra omnes homines se demisit, ille tamen que major est illo. Tantò ergo ad S. Joannis Magnitudinem propiùs accedes, quantò studueris esse minor & humilior: sicut Christus eandem etiam locum legissimè superavit, quia infra omnes homines ab ipso non erubuit, ut testatur Isaias cap. 53. *Vidimus eum*

Et non erat aspectus, Et desideravimus eum: Despectum, Et Novissimum Virorum. Et Ps. 21. Ipse de se loquitur: Ego autem sum Vermis, Et non homo, opprobrium hominum, Et abjectio plebis.

MEDITATIO CCLXIV.

Continuatio eiusdem Elogij.

Matth. 11. à. v. 12. & Luc. 7.

PUNCTUM I. Christus confirmans, S. Joannem maximum Prophetam fuisse, probat id ex potentia sermonis, quo homines ad Pœnitentiam, & ad seriam vitæ emendationem prædicatione Regni Cælorum jam appropinquantis & proximè per Christum aperiendi, convertit. *A diebus autem Joannis Baptiste (quibus prædicavit Baptismum Pœnitentiæ) usque nunc Regnum Cælorum vim patitur; Et violenti rapiunt illud. Matth. 11. v. 12. Sive ut aliàs Christus apud S. Lucam c. 16. v. 16. inquit: Lex Et Prophetæ usque ad Joannem; ex eo Regnum DEI evangelizatur, Et omnis in illud vim facit.* Considera, si ab initio statim, postquam cessaverunt prædicari Vaticinia Legis antiquæ, & Prophetarum de Christo ut primùm futuro, ad Prædicationem Joannis de Eodem ut jam præsentem, multi homines sibi ipsis vim intulerunt, ut per Pœnitentiam, & vitæ emendationem Regnum Cælorum ad se raperent, id est, magno suo conatu & victoriâ suarum pravarum cupiditatum sibi promererentur; quantam à te oporteat vim tibi inferri, & non remissè, nec languidè, nec indulgenter agi, ut Regnum Cælorum obtineas, postquam illud jam